

2155

IN NOMINE JESU!
DISPUTATIO JURIDICA
DE
JURISDICTIONE;

QUAM,

Deo Ter Opt. Max. Favente,

CUM CONSENSU ET AD PROBATIONE AMPLI-
SIMÆ FACULTATIS JURIDICÆ IN REGIA
ACADEMIA ABOENSI,

PRÆSIDE

PRÆCLARISSIMO VIRO,

DN. M. PETRO LAURBECCCHIO;
Poësios Professore celeberrimo,

LIBERALIS EXERCITII GRATIA PUBLICE
VENTILANDAM EXHIBET.

JOHANNES Gyllenkrook.

Ad diem 3. Junij Anno 1676.
loco horisq; consuetis.

A B O Æ

Excusa à PETRO HANSONIO Acad. Typogr.

S.º R.º M.^{tis}
REGNIq; SVEO-GOTHICI
SENATORI
ARCIS REGIÆ CIVITATISq; HOLMEN-
SIS GUBERNATORI.
Illustrissimo ac Generosissimo
DOMINO;
Dn. CLAUDIO Rålamby
LIB. BARONI IN Lenna/ DOMINO
IN Bystadh/ Broo/ Löftahelm/ Kiala/
Emsterby ET Lappetraßt &c.

Domino meo Gratiostissimo
ac Patrono maxime

Gratiam Cælestem & Glorian im-
mortalem exopto,

ILLUSTRISSIME BARO, DOMINE
CLEMENTISSIME!



Voties summæ in quosvis benevolentie, quoties
beneficiorum Excell. et T. in parentem me-
um collatorum recordor, quo signo animi mei
gratitudinem declarem, ignoro. Vel Ange-
licam mihi lingvam optarem, quā beneficiorum magnitu-
dinem complecti possem; Atq; ut sapientia benicitatis Tuæ
Sacrarium erga parentem aperuisti, ita me simul ejusdem
favoris radijs perfusum beasti, voluntatiq; meæ tibi unicè
obtemperaturæ compedes injecisti, quibus lubens ad te ser-
viendo trahor. Quippe ex Ephebis paternis institutis e-
doctus, E. et T. ad ministeria paratus esse, tibi vivere, ac
studia mea tibi consecrare didici. Hos ergo studiorum
meorum fructus qualescumq;, certissimum tamen, pro sum-
mis in meos præstitis beneficijs, perpetua observantia Es
grati animi argumentum, summâ veneratione ad pedes
tuos depono; qnibus si faciem præluxerit benignus genero-
sissimi vultus Tui favor, non est quod amplius vota mea
expetant. Ignosce, Macenas maxime, quòd pagellis his

decus

decus aliquod ex nominis Tui splendore mutuari non dubio;
eoq; placidius interpretare, si quacunq; viā gratiam
mibi tuam pignerari properem, ut nunc spe ac veneratione
benignissimum Promotorem destino. Hoc, Mæcenas sum-
me, sereno ac facili vultu ita respice, ut benevolentia tue
radij, quibus semper parentem meum ornasti, in me quoq;
reducent; quod ad pedes E.^e T.^e advolatus burnillimè ob-
secro. Interea Vige vive consilij Regij arbiter intime!
Vive Deo, Ecclesia, Regi, patriæ, Musis, tandemq; mihi;
cui inter clientes tuos locum aliquem assigna! Deus E. am
T.^{am} totamq; illustrem familiam, in multam ætatem E
memoriam perpetuam conservet, cordicitus voveo,

Illustrissimo tuo nomini

devorissimus

JOHANNES Gyllenroot.

PRÆAMBULUM.

Niter alia fundamenta, quibus res-publica innititur, est legitima judicio-rum administratio, in quibus juris & aqui distributio cernitur; qua ut rectè fiat, oportet judicem Jurisdictione esse munatum, antequam de causis senten-tiam fert; alias actio nulla in judici-um rectè deduci, nedum in eo feliciter tractari potest: opera prinde pretium duximus, hoc ipsum Juris membrum brevi-ter, pro modulo ingenij, discutere.

THESIS. I.

Jurisdictione rectissimè ab objecto formalí, sc. jus-re dicundo, derivatur, in quo eam occupari, ejus vim & potestatem residere, constat; Unde Magistratus, cui jurisdictione competit, jus dicens sèpius appellatur. Jus enim dicere latè se diffundit, nec tantùm Jurisdictionem Contentiosam, sed & Voluntariam, & quicquid judex facere tenetur è causa, quà est magistratus, subincludit.

2. Diversimodè autem Jurisdictionis vocabulum accipitur: alijs hæc, alijs alia arridet interpretatio. Politicus est medium politicum, quo jus in quâlibet re & causa legitimè dicit, & mediantibus judicibus, princeps exsequitur, ut ordo & tranquillitas in Republ. vigeat. Christoph. Præt. Polit. part. 2. Cap. 4. A Jurisconsultis sumitur, vel generaliter & latè, vel specialiter & strictè. Generatim est potestas publica, in rebus criminalibus & civilibus cognoscendi, statuendi, & exequandi. Speciatim ab

ijs, qui ejus in Jure Rom, usitatam significationem sequuntur, ad causas solum civiles coarcatur; & significat potestatem publicam, de causis civilibus jus reddendi, jure magistratus competentem. Ab utrisq; inter Jura Majestatis refertur, & est summa potestas, circa res quas-cunq; statuendi & exsequendi. Ditmars. Gyllenstorp. Polit. Disp. 4. Axel. Kemp. Pol. Sect. 2. cap. 3. Jus nostrum aperte dicit Kong. B. M. c. 4: §. 3. 7. & 9. Ther til i Rike sino af Gudi högsta Doom hafwa. Dicitur *summa*, ut jurisdictione magistratum separatur a principali: est quidem in illis potestas etiam publica, sed limitata, restricta & dependens. Aliquoties denotat Comitum, Baronum & aliorum, intra comitatum & alia majora prædia, jus dicendi potestatem, justo titulo acquisitam,

3. Inter tot opinionum conflictus, et si stricta illa acceptio a Ictis maxime sit recepta, juri tamen Moderno *Juridictio Generalis* convénit, quæ est potestas publica, de causis tam civilibus, quam criminalibus, cum publicis, tum privatis, jure Magistratus, ob communicatum aliquod jurium Majestatis exercitium, competens. Dicitur *potestas publica*, quod authoritati publicæ innitatur. Jus enim dicens, loco Regis sive Majestatis jurisdictionem administrat, cuius mandato iudiciis præst, in ijs causas obvenientes examinat & disjudicat. Const. Jud. §. 1. til-lâgne wñ hår med halle Håradzhöfdingar &c. all macht och myndighet i Rättegånger. Inde vocatur magistratus potestas, L. 26. ff. de pign. L. 17. §. 19. ff. de ædilit. Edict. Additur de causis civilibus & criminalibus, publicis & privatis, non exclusis ijs, quæ ad merum imperium pertinent; utut Romani, cum, exoleto statu Monarchiæ, libertatem amantes, democratico utebantur, nulli judici

judici ordinariis sed speciali jure, facultatem in civem Romanum capitali pœnâ vel graviori coercitione animadvertisendi, concesserunt. L. 2. §. 16. 23. de O. I. hujus gratia tribunos plebis constituerunt, qui commodi plebis curam gererent, & ne quid juri eorum derogaretur. De niq; dicitur jure *magistratus competens*, L. 1. & 4. ff. de off. ejus eui. Rättg. Ord. §. 1. sequestratis ijs, quæ specialiter tribuuntur.

4. Jurisdictio penes summam potestatem principaliter & virtualiter residet, Kong. B. LL. c. 4. §. 9. Ling. B. c. 21. 22. & 41. in fine. Rättg. Proc. 35. nec ab ea, incorruptâ Majestate, segregari potest. Majestati enim radicata & veluti ossibus cohærens quædam in subditos potestas juris dicundi inest, quæ cum diffusa sit, nec à principe solo expediri possit, Exercitum ejus, salvo tamen jure Majestatis & superioritatis, Stratem. & Joh. Hornius, alijs communicari cæptum est. Ling. B. c. 1. 2. K. B. St. L. c. 1. & vicissim in superioritatem redit, à quâ fluxit seq; exonerat. Judicium ergo Regis omnis Magistratus gerit, then Konungzdom hasiver Kong. B. LL. 27. 31. Edzör. B. LL. 19. 20. Rättg. Ord. §. 10. Kong. Styrc. B. 4. fl. 2. For. Reg. §. 4.

5. Causa impellens est legitima iustitiæ administratio, quæ vix integra maneret, nisi hoc medio subveniretur, ordinem decentem in judicij introducendo, ut facilius cuiq; jus tribuatur.

6. Deserri potest jurisdictio in unumquemq; , modò indeum, in quo imperitia nouâ sit timenda; nec qui irâ, amicitia, metu, spe commodi, C. 1. Ling. B. c. 1. §. 1. K. B. Stl. art. 6. Rättg. Ord. §. Rätt Proc. succensi in justam ferant sententiam, quibus nec quid, quod judicem decet, absit. Habet ergo judex jurisdictionem formaliter, materialiter in territorio & Regioni. Corvin. Oc-

7. Occupatur circa causas, *cum* civiles & privatas,
quando quis civili & forensi actione in judicio experitur
petendo sibi aliquid adjudicari, c. 12. 13. Ting. B. vel rem
suam defendendo. c. 30. eod. tit. vel alio qualcumq;
modo: *tum* criminales & publicas, dum quis criminis accusa-
tur, ut in eum animadvertisatur. de quibus tituli Edzör.
B. dråp, medh will. och wåd. LL. och Stl.

8. Exercet Magistratus jurisdictionem in Personas suæ
jurisdictioni subjectas & intra eam habitantes, Ting. B. c.
1. at iagh stal wäder fattiga och ruka öfwer alla lagsa-
gu mäta i allom domum rått fölgia L. 3. ff. de off. Præ-
sid. L. ult. de off. Præf. Urb. L. ii. &. Ult. h. t. nisi pecu-
liari privilegio sint exempti. Oportet ergo judicem esse
cautum ne extra oleas divagetur, sed intra limites se con-
tineat; hoc si non fecerit, impune ei non obtemperatur.
L. ult. h. t. habet quilibet judex terminos sibi præscri-
ptos. Magistratum urbanum in urbe, Municipalem in
municipijs, Provincialem in provincijs, jus dicere, Roma-
nis fas erat.

9. Citare tamen judicem posse reum extra territorium
vel legiferatum degenitem, in causis Jurisdictionem suam
concernentibus, non alienum vel inusitatum est, mit-
tendo actorem vel ad reum cum mandato, ut in judicio
se listat, vel ad judicem rei conventi, cum literis requi-
sitorialibus vel sine, ut velit citationis executionem pro-
movere, & reum comparere jubere; L. i. §. hoc autem
ff. de fugit. Gotofr. in L. ult. ff. h. t. Carpz. Proces. iur.
Tit. 7. Citatus extra territorium statu lege tempore
comparebit, Ting. B. 16. År han vthan lagsagu oc innan
riks/ hafwi se vilna dock till swars komma. Jord.
B. LL. 30. §. 2. alias causas moræ probabit. d. c. §. 4.
Ting. B. 14. vel ad multam in lege definitam damnatur.
Potest

Potest quoq; interdum iudex extra territorium jus dicere, cùm jure Romano, tūm Suetico. Vide c. 29. B. Q. in prin.

io. **Forma jurisdictionis**, est legitima potestas juris direndi, quam qui non habet, nec jurisdictionem exerceat.

ii. **Finis internus** est, suum cuiq; tribuerē; **Externus**, pax & tranquillitas, malorum hominum, extiratio, L. 3. 13. ff. de off. Præf. & qui alij sunt plurimi secundarij.

12. Hactenus vidimus, quid jurisdictione sit; nunc ejus differentias dispiciamus: quas varias esse planum est, ut alia sit *ordinaria*, alia *extraordinaria*, cœu alii ordinatio jure, alij extraordinario, jus dicunt. *Ordinaria* est, quæ competit jure Magistratus, L. 1. ff. de off. ej. cui. quam iudex suo jure habet, L. 5. ff. h. t. *Institutis enim* magistribus, cuiq; certa jurisdictionis forma concessa erit, quam non immediate, sed ut à majestate acceptam exercet, nec aliquo modo ordinariè mutatur. Quod si princeps quid alicui mandet (idq; vi majestatis potest) non ordinariam jurisdictionem mutasse censemur, sed tantum, ut iudex causam mandatam cognoscat vel judicet, præcepisse; nisi planè jurisdictionis ordinē voluerit invertere.

13. **Dictum**, quemvis magistratum suam habere jurisdictionem, sed non omnes ejusdem gradus. Vide alia est *Major*, alia *Minor*. *Major*, cuius objectum magis est diffusum, longiusq; se extendit. *Minor*, quæ archoribus terminis est circumscripta. non enim iidem actus sive demiq; causæ quamlibet jurisdictionem sequuntur: ut, quod superior propter vim imperij potest, L. 12. de j. 1. eò inferioris potestas se non extendit. *Salutare namq;* est Reipubl. ad eliciendam veritatem diversos gradus magistratum esse; Sic una Jurisdictione per alteram ad-

juvatur, Carpz. Process. jur. Tit. 7. Apud Romanos reperimus, alios gessisse magistratum cum imperio, & horum conditio erat illustrior, qui propter summam istorum autoritatem de gravioribus quibusdam causis judicare poterant, in possessionem mittebant, caverere jubebant, L. 4. ff. h. t. de suspectis tutoribus cognoscerebant, L. 1. §. 11. ff. ad Statum Turpili. idem & de alijs dicendum; alios sine imperio, L. 26. ff. ad municip.

14. Evidentiū adhuc hujus rei veritas dispalecit, si consideraverimus varios magistratus, quibus potestas jus dīcendi in imperio Romano demandata erat. quos vel urbicos, vel provinciales, vel Municipales fuisse constat. Urbici maximē dignitate & autoritate conspicui, provinciam jurisdicendi in urbe Romā, communi patriā, L. 33. ff. admuncip. nacti sunt: Cui provinciae ac municipia bello vel alio titulo accesserunt, & sic provinciales judices constituti, ex his Præses summam gerebat, leges Romæ sanctitas administravit & observavit: & quemadmodum Romæ consul & Prætor jurisdictioni præerant, sic Proconsul & Proprætor vice urbanorum obibant, provinciis præfaerunt, & ut omnia justè agerentur, operam adhibuerunt, L. 12 ff. de off. præsid. Hi etsi urbanis inferiores, tamen ampliorem quidam eorum gesserunt Jurisdictionem, ut ex L. 11. 12. ff. de off. Præsid. constat. Infimie erant municipales, qui in municipijs jus dicebant, nec tales qualem cæteri Magistratus potestatem nacti sunt, L. 26. ff. ad Municip. In jure nostro etiam talis diversitas Judicium occurrit, ita ut quisq; suam habeat propriam jurisdictionem; tres etiam instantiæ & ordines sint, supremus, Medius, & infimus. Rori judices Territoriales primū adeundi, Hæredzhōsingar/ c. 2. 3. 4. 5. &c. Zing. B. Art. 1. 3. 4. Rättg. Ord. quasi qui territorio præsunt; ab his

his instituitur provocatio ad judicem provincialēm;
Lagman. c. 37. 38. Ting. B. Art. 5. Rāttg. Ord. ad
quem causæ appellatae spectant. Ab hoc vicissim ad Ju-
diciū Regium, Hoſrātt/olim dictum Konungznāmbd
ultimo provocatur, c. 39. Tingm. B. 41. §. 1. d. t. ordi-
nant. Jud. p. 5. qualis hujus judicij sit jurisdictio, in-
dicatur in Proc; Jud. Art. 20. & Ord. Jud. art. 13. In ur-
bibus prima instantia est in Curiā inferiori, Sveticē
Rānimenār rātt/ c. 5. Rādst. B. Samnia Rādsu-
gu dagh skola wara å torge vthe/ som inne å Rād-
stusvone. hæc causas criminales & graviores, non se-
ous ac olim pedanei judges, saltem cognoscit; ab hæc
ad superiorem curiam datur appellatio, eodem cap. 5.
Rādst. B. quò & quævis majora negotia, quæ intra ur-
bis jurisdictionem gesta aut suscepta sunt, pertinent. Tan-
dem & hic, ut ruri, ad Regium Dicasterium progredien-
dum. Si tamen quis videat, sive ruri sive in urbibus, se
gravatum, per supplicem libellum S. R. M. tem adibit,
Art. 8. Form. Reg. p. 35. Rāttg. Proc. Kong. B. 22. 4.
in fin. Tingm. B. 21. §. 2. 22. in fin. 41. §. 1. non tamen
sub specie appellationis, dictis loc. hic deniq; cessandum.

15. Exercent alij jurisdictionem, vel ut *propriam*, vel
ut *mandatam*. *Propriam*, qui suo jure gerunt, L. 3. & 4.
de off. ej. cui. L. 5. h. t. *Mandatam*, qui beneficio alte-
rius, sc. habentis propriam, administrant; nec tales quid
proprium habent, L. 1. §. 1, ff. de. off. ei. cui L. 13, ff.
de off. Procons. sed vicariam operam præstant L. 16.
ff. h. t.

16. Magistratum mandantem habere oportet Jurisdi-
ctionem propriam, aliás in alterum transferre nequit, L.
4. §. 6. ff. de off. Procons. L. 5. h. t. ridiculum namq;
est, alij dare quod non ipse habet; hoc modo in alium

spondendo, nec contra judicem excipiendo, ad forum
coconsensisse præsumuntur, l. 30. ff. de judic. l. 16. C. eod.
t. Carpz. Proc. jud. Tit. II. Art. I. Qui tacet, consentire
putatur. nam jura vigilantibus, non dormientibus scripta
sunt. hoc modo justè prorogatur jurisdictio, nisi expres-
sè princeps id vetuerit, l. 2. ff. de judic. in jure nostro e-
ciam ejus instituitur mentio, dum partes ad alicujus vel
plurium arbitrium (qui arbitri & compromissarij dicti)
causam remittunt, Bngn. B. LL. 8. §. 2. som themi hādom
āsember, & 14. §. 3. rādhe halfwa nāmbō hwar thera.
drāp. m. will. LL. 18. 20. quod sāpius in lege occurrit,
in judiciis inferioribus præcipue, nihil hodie usitatus,
quām in causis cognitionem bonorum virorum, sive in si-
tus terræ contemplatione, sive alio in negotio, requiren-
tibus, partium arbitrio comittere, quos arbitros ex sus-
fraganeis vel Assessoribus quisq; litigantium velit accipere.

23. Dictum erat suprà, varias in judiciis causas occur-
rere; alias quā inter se actor & reus lite contendunt, ali-
as quā inter volentes Judex decernit, unde alia est Juris-
dictio voluntaria, alia contentiosa, L. 2. ff. de off. Procons.
Contentiosa, quæ sit inter dissentientes, & hæc in judiciis
maximè obvenit. Apud Romanos Prætor inter conten-
dentes jus dixit, vel dato judice, qui vice ejus fungeretur,
h. t. G. de ped. Jud. l. 1. §. 1. si vent. nom. vel non dato ju-
dice, & sic ipse cognoscebat, l. 2. C. de ped. jud. in quis-
busdam causis judicem dare non licuit, hunc modum de-
cernendi in Judiciis Dioclet. & Maximil. abrogarunt. Vo-
luntariam inter consentientes Judex exercet, sive uni pe-
tentи vel pluribus consentientibus, cum petunt aliquid au-
thoritate publicâ confirmari, vel aliud quid sibi fieri; hu-
ius Jurisdictionis sunt manumissio, emancipatio, adoptio
& alia, L. 2. 3. ff. de off. Procons. Inst. & D. de adopt:
quia hæ causæ inter volentes sunt.

Nec

24. Nec hic jus nostrum silet, nam si partes fuerint litigantes, tum vel intendunt actione civili, vel criminali, civiliter, aut de re universâ, veluti, hereditate, c. 14. 15. 16. Erfd. B. LL. ii. 12. ibid Stl. aut de re singulari, ex mutuo, vel commodato, Röpm. B. LL. 8. §. i. c. 9. eod. Stl. ex pignore, Wådh/ pant/ d. t. c. 10. ii. LL. 10. ii. Stl. ex deposito, eod. t. c. 9. LL. 5. Stl. ex locatione & conductione, c. 23. 24. &c. Jord. B. LL. c. 8. Röp. B. LL. 10. ii. Bng/B. Stl. vel alio titulo civili. Criminaliter ad pœnâ, titulis Edzöre. Högm. B. Sär. m. svil. och wåd. dråp. m. will. och wåd. LL. & Stl. Sæpissime quoq; inter consentientes authoritatem suam judex interponit, rem vendendam publicando, c. 2. 17. Jord. B. LL. i. ibid. Stl. rem emptam confirmando, c. 10. eod. tit. LL. 6. Stl. Donationem publico instrumento approbando & corroborando, Erfd. B. Stl. 18. 21. Quandoq; extra peritum Jurisdictionem administrat, providendo ut cuncta intra limites Nomarchiæ in recto ordine sint disposita, cuius exemplum est in c. 24. Kon. B. LL. c. 13. 15. 17. Stl. & alibi pluribus locis. Judex etiam ex officio suo nobili, quod per se stat, & Jurisdictionis autoritate exercetur, nullo accusante in crimina animadvertisit, arg. c. 9. & 10. Rådst. B.

25. Hactenus de ordinariâ; consequens est, ut de extraordinariâ jurisdictione agamus, quæ speciali Jure tribuitur. J. R. hanc Lex. Scđum, constitutiones Principum, deferunt. Idq; sæpius evenit, ut quod alias Jure ordinario habet, id alter extraordinario; sic quæ Juridico Alexandriæ specialiter sunt concessa, Proconsul jure magistratus possidet, l. i. ff. de off. juridi. Alex. l. 2. ff. de off. Procons. Specialiter tribuitur, Tutoris datio, Just. de Attil. Tut. l. i. §. 1. de tut. Dat. Transactio de alimen-

alimentis testamento relictis, l. 8. §. 18. ff. de transacti;
26. Gradus Jurisdictionis sunt, jurisdictione simplex, impe-
rium merum, & deniq; mixtum. Simplex jurisdictione in
solâ causæ cognitione interdum consistit, sine coercitione;
Cujus vestigia in pedaneis Judicibus occurunt, a-
pud nos in curiâ inferiori, ubi causæ leviores, præsertim
civiles, tractantur & deciduntur. Criminales exami-
nantur quidem, at in loco superiori dijudicantur. Cum
autem jurisdictione tam amplum munus sit, oportet eam
auctoritate esse munitam, alias non cum fructu admi-
nistrabitur, sed inobedientium & malitiosorum impetu
miserè subruetur & lædetur, imò quasi fenestra ad maliti-
am patesieret: necessariò ergo potestas quædam coér-
cendi ad tuendam & explicandam Jurisdictionem aderit,
quæ imperium mixtum dicitur, L. 3. h. t. L. ult. ff. de
off. ei. cui. jurisdictioni semper cohæret, L. 1. & ult. de
off. ei. L. 2. h. t. L. un. pr. ff. si quis jus dic. non obt.
illudq; dicitur modica coercitio circa negotia civilia oc-
cupata, in respectu meri imperii, quod delicta graviora
punit. Jure nostro in omnibus instantiis habent judices
facultatem in immorigeros animadvertisendi. Olim ex c. 32.
Rong. B. 11. 10. Stl. judicij Regij sententiam violans
pendebat multam 40. marcarum; nunc multa est
centum thalerorum Svecicorum, ordinant. Jud. §. 8.
transgrediens sententiam judicis territorialis, 3 bus mar-
cis plectetur, Teng. B. 32. 39. §. 1. Si judicis provin-
cialis, lex marcis luet, dict. cap. In civitate de sententiâ
curiæ querelam movens ad 40 marcas damnatur, c. 10.
Rong. B. Stl. in judicio strepitum excitans, à judge
coercendus, cap. 43. Teng. B.

27. Jurisdictione absolvitur 1. sententiæ latione, 2. exse-
cutione. Ad quam exercendam requiritur. 1. justa se-
veritas

veritas. 2. moderata lenitas 3. Constantia. Ista hodiernis moribus ad judices ordinarios non spectat; Art. 4. 9. Råttg. Ord. terminum tamen executioni præfigunt, Ar. 36. Råt. Pr. Si tergiversetur condemnatus, executores à Regio judicio admonendi, ut, quid officij eorum sit, præstent, art. 32. Potest quoq; judex apparitores nominare, qui debent exequi, idq; in debitis sæpius fit. In civitatibus Senatus etiam executionis curam habebit.

28. De Mero imperio prolixè jam discurrere, non è re erit, cum hodie, etiàm hoc sub jurisdictione continetur; sufficit hic indicasse ejus gradus & partes. Illæ tres sunt: 1. Coercitio, per Carcerationem & Fustigationem; 2. Proscriptio, & Relegatio; 3. Punitio capitalis. Quorum exempla, in Jurisdictionibus jure Suetico receperis, certâ proportione Superiorum & Inferiorum, ubivis occurunt.

29. Dividitur Præterea Jurisdiction, ratione Materiæ & finis, in Localem, Personalem, Causalem, & Mixtam.

30. Localis est potestas, intra Jurisdictionem suam jus dicendi. Haud ineptè posset Sueticè dici lagsagu/ arg. Ting. B. 1. 8. II. id forum est competens i. ratione delicti; reus ordinariè ibi conveniendus, ubi facinus per petratum est, sive sit peregrinus, sive indigena; Locus enim trahit personam, L. 3. D. de off. Præf. L. ult. de accus. Carpz. & J. N. Ting. B. 24. §. 1. Edz. B. LL. 22. 35. §. 1. 39. Hög. B. LL. 10. §. 1. 12. Dråp. m. will. LL. 12. 16. Rådst. B. 12. §. 4. Rått. P. 37. 2. ratione domicilij, ubi reus habitat, id enim maximè usitatum est & latissimum, Röp. B. LL. 13. Råst. B. 12. §. 4. 3. ratione Rei Litigiosæ; ubi res sita est, actio intentanda, 10. 17. Jord. B. LL. 6. II. 13. Stl. Råttg. O. 14. Rått. P. 37. 4. ratione contractus, in loco ubi contraxerunt, si ibi invenia

veniatur, 33. Kon. B. L. II. Stl. 23. Rådst. B. veldomi L. 19. §. ult. ff. de. judic. d. c. 33. Kong. B. L. Vagabundi vero, ubi reperiuntur, possunt conveniri, c. ult. §. I. Rådg. B. L. Nec sunt hinc excepti Nobiles, Råd. D. 14. Råttg. Proc. Art. 20. §. 5.

31. Personalem dicimus, quæ ad certas personas restringitur. Huc pertinet Jurisdictio Dicasterij, quantum ad personas nobiles, quæ Jurisdictionibus alijs non subsunt, in certis tamen causis, Rått. D. 14. Priv. Nob. 16. de Anno 1617. talis est Jurisdictio Academica, ubi Rector, cum professoribus, tum studiosis & aliis Academiæ subjectis, jus dicit. Etiam huc spectat Jurisdictio Castrensis, quæ in solos milites subjectos, & quæ eorum privilegia sequuntur, distinguitur; Liberatq; & eximit personas jurisdictionibus aliis, in causis præcipue militiam spectantibus, Ord. Jud. §. 14. Art. Milit. Form. Reg. Art. 10.

32. Causalis, ad certas causas jus applicandi potestatem habet: Ut Collegium commerciorum de causis ad commercia tantum pertinentibus decernit.

33. Mixta, ubi diversæ jurisdictionis species concurrunt. Qualis est jurisdictione Ecclesiastica; ubi personalis, localis, & causalis cernitur, hic personæ Ecclesiasticæ, scilicet sacerdotes primariò pertinent; quandoque etiam seculares hoc forum agnoscunt, si quid, quod ejus Jurisdictionis est dijudicare, commiserint. Ad hoc forum cause spirituales & mixtæ, intra limites Episcopatus contingentes, spectant.

34. Finitur ordinaria jurisdictione, i. morte ejus, cui commissa est, Rått. Ord. 12. Råttg. Proc. 2. mors namq; omnia solvit, quomodo in defuncti locum alias eligend, in lego nostrâ, Ting. B. 1.2. Kong. B. Stl. 1. exprimitur: (2) revocatione vel prohibitione superioris, qui potestatem & dandi & auferendi jurisdictionem habet.

(3) non utendo, sive se ipsum ob corporis infirmitatem,
vel aliam ob causam, abdicando, Rätt. Ord. 12. Rättg.
Pr. 2, sive negligentem se præbendo in officio; qui e-
niam munus commissum negligit, eo carere velle intelli-
gitur, & jure privabitur. Amittitur denique (4) non
per modum utendo, ob culpam, non minus ac abusum,
nimiamque in subditos sævitiam, judex removetur, No-
vell. 86. cap. 4. Ling. B. 3. Kong. B. Stl. 5. Qui po-
testate datâ abutitur, meretur ut illam amittat. Inter-
est non solum dominorum, sed & Reipublicæ, nè quis re-
suâ malè utatur. Summo itaque studio eò connitendum,
ut omnia ordine & decenter, secundum legum & consti-
tutionum normam, agantur.

Deo Soli sit laus Honor & Gloria!

Ad JUVENEM Doctrinâ,
Genere, Virtute bonisq; Moribus verè nobilitatum,
Dn. JOHANNEM Gyldefrook/ amicum
perdilectum:

Justo jure quidem est pulchrum cognoscere lites;
Sed dubium iustum jus ubi repperias!
Altera quid dicat pars, judex audiat ante
Quam faciat nocuos innocuosve prius!

L. Mqj
ENEVALDUS SVEN.
Q. G. A. SS. Th. D. & Prof. Prim.

Generosa indole & virtutum ac politiorum literarum
studij Nobilissimo JUVENI,
Dn. JOHANNI ANDREÆ Gyllenstrook/ Hæreditario
de Raulansföld/ &c, amico honorando,
Specimen Studij Juris edenti in publicum, hoc Sche-
diasmate insignes progressus gratulari

L. Mqj volui:

Non terras Astræa tamen, seu forte Poëta
Credidit in totum deseruit. Reducem

Gra-

R. D. S. 1.

Gratulor hanc nostris regionibus atq; Triones ~
Septem illustrari lumine Justitia;
Cujus eras studijs addictior atq; Sophie
Hattenus: hinc Pallas te vocat atq; Themis
Præmia ad eximia & magnos decernit honores
Quos meritò, & fausto fidere adire potes.
Sic tibi non generis placuit dignatio sola,
Sed studijs dactis hanc decorare magis.
Vivitur ingenio. Nec Mars sine Gorgone Sæva.
Pallados in toto deponat orbe potens.
Castra alijs Martis placeant, tibi pulcher Apollo
Et Themis & Charites præmia magna ferant.
Hoc voveo: atq; annos addat tibi Nestoris, hac qui
Cuncta dedit, cui sit laus sine fine, Deus.

MARTINUS MILTOPÆUS.

Ad JUVENEM Nobilissimum
DN. JOHANNEM Gyllentrook de Rautansib/ &c. Publica
Dissertatione, Jurisdictionis indolem & differentias
doctè defendantem, ορθοφωνησ.

Juris dicundi quām sit satis ampla potestas,
Prisca simul Legum, tum Nova scita docent.
Hic Rhodus & saltus, non fixam excurrere metas,
Atq; sibi proprijs dicere Jura locū.
Non etenim possit sibi Jurisdictio Simplex, (Merum.
Quantum habet aut Mixtum hinc, Imperium ve
Non Personalis fuerint, que Jura Localis;
Sed quoq; Causalem Mixta per ampla capit.
Hec, GYLENKROKI, discernens omnia cautè,
Immensi Juris puncta suprema vides.
Ingredere, atq; Patris premito vestigia docte!
En, Tibi honoratum fert Themis alma gradum!

L. Mq; Adsecit

PETRUS LAURBECHIUS
P. Prof. Ord.